

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), člana 32. Zakona o izvršenju Budžeta za 2020. godinu („Službene novine Zeničko-dobojskog kantona“, broj: 24/19 i 7/20), a u skladu sa Programom utroška sredstava planiranih Budžetom Zeničko-dobojskog kantona za 2020. godinu u Ministarstvu za rad, socijalnu politiku i izbjeglice, broj: 02-11-1601/20 od 30.01.2020. godine, broj: 02-11-6331/20 od 08.05.2020. godine i broj: 02-11-10814/20 od 26.06.2020. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 71. sjednici, održanoj dana 26.08.2020. godine, d o n o s i

ODLUKU

o odobravanju sredstava za finansiranje i sufinansiranje programa/projekata nevladinih organizacija kantonalnog karaktera sa područja Zeničko-dobojskog kantona

Član 1. (Predmet)

Odobravaju se sredstva u iznosu od 39.500,00 KM (slovima: tridesetdevethyljadapetstotina konvertibilnih maraka) kao pomoć nevladinim organizacijama kantonalnog karaktera sa područja Zeničko-dobojskog kantona (u daljem tekstu: NVO) koje su aplicirale na Javni poziv za finansiranje i sufinansiranje programa/projekata u 2020. godini.

Član 2. (Raspored sredstava)

Sredstva iz člana 1. ove odluke odobravaju se u skladu sa Pravilnikom za finansiranje i sufinansiranje programa/projekata nevladinih organizacija kantonalnog karaktera sa područja Zeničko-dobojskog kantona, broj: 09-31-2928-2/20 od 16.03.2020. godine, i raspoređuju NVO, kako slijedi:

a) za programe rada:

r/b	NVO	Iznos (KM)
1.	Društvo socijalnih radnika Zeničko-dobojskog kantona	5.000,00
2.	Udruženje građana „Fojničani“ Maglaj	4.500,00
3.	Savez udruženja slijepih građana	4.000,00
4.	Centar za podršku Roma „Romalen“ Kakanj	4.500,00
5.	Udruženje roditelja osoba oboljelih od cerebralne paralize i drugim onesposobljenjima „Dlan“ Zenica	4.000,00
6.	Savez logoraša Zeničko-dobojskog kantona	3.000,00
7.	Koalicija osoba s invaliditetom Zeničko-dobojskog kantona	3.500,00
8.	Udruženje invalida rada gradskih i općinskih udruženja Zeničko-dobojskog kantona	3.000,00
9.	Udruženje Savez civilnih žrtava rata Zeničko-dobojskog kantona	3.000,00
UKUPNO:		34.500,00

b) za projekat:

r/b	NVO	Projekat	Iznos (KM)
1.	Udruženje „Medica“ Zenica	Projekat „Preventivnim radom sa ženama i muškarcima u ruralnim sredinama do nulte tolerancije prema nasilju nad ženama“	5.000,00
UKUPNO:			5.000,00

**Član 3.
(Analitička konta)**

Sredstva iz tačke I. ovog zaključka isplatit će se Budžeta Zeničko-dobojskog kantona za 2020. godine („Službene novine Zeničko-dobojskog kantona”, broj: 24/19 i 7/20) razdjel 20 – Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614300, subanalitika KAX 002, pozicija: „Tekući transfer udruženjima“.

**Član 4.
(Izvještavanje)**

Obavezuju se korisnici sredstava iz člana 2. ove odluke da Ministarstvu za rad, socijalnu politiku i izbjeglice dostave narativni i finansijski izvještaj o namjenskom utrošku sredstava, najkasnije do 15.01.2021. godine.

**Član 5.
(Provođenje odluke)**

Za realizaciju ove odluke zadužuje se Ministarstvo za rad, socijalnu politiku i izbjeglice i Ministarstvo finansija, svako u okviru svojih nadležnosti.

**Član 6.
(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Mirza Ganić

Broj: 02-11-14455/20

Datum, 26.08.2020. godine
Zenica

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x NVO, putem Ministarstva,
1x „Službene novine Zeničko-dobojskog kantona“,
1x a/a.